

蔡陸仙編

中國醫藥匯海

中華書局印行



南京中医药大学图书馆版权所有

黃帝內經素問卷二十

氣交變大論篇第六十九

林本新校正云：詳此論專明氣交之變，乃五運太過不及，德化政令，災變勝復爲病之事。

〔二〕黃帝問曰：『五運更治，上應天期，陰陽往復，寒暑迎隨，眞邪相薄，內外分離，六經波蕩，五氣傾移，太過不及，專勝兼并，願言其始，而有常名，可得聞乎？』岐伯稽首再拜對曰：『三昭乎哉！問也是明道也。此上帝所貴，先師傳之，臣雖不敏，往聞其旨。』〔三〕帝曰：『余聞得其人不教，是謂失道，傳非其人，慢泄天寶，余誠菲德，未足以受至道，然而衆子哀其不終，願夫子保於無窮，流於無極，余司其事，則而行之，奈何？』〔四〕岐伯曰：『請遂言之也。』上經曰：『夫道者，上知天文，下知地理，中知人事，可以長久，此之謂也。』〔五〕帝曰：『何謂也？』〔六〕岐伯曰：『本氣位也。位天者，天文也。位地者，地理也。通於人氣之變化者，人事也。故太過者先天，不及者後天，所謂治化而人應之也。』〔七〕帝曰：『五運之化太過何如？』〔八〕岐伯曰：『歲木太過，風氣流行，脾土受邪。』〔九〕民病飧泄，食減，體重，煩冤，腸鳴，腹支滿，上應歲星。

「一〇」甚則忽忽善怒，眩冒顛疾。「二」化氣不政，生氣獨治，雲物飛動，草木不寧，甚而搖落，反脅痛而吐甚，衝陽絕者死不治，上應太白星。「三」歲火太過，災暑流行，金肺受邪。「四」民病瘡，少氣，欬喘，血溢，血泄，注下，噤燥，耳聾，中熱，背肩熱，上應熒惑星。「五」甚則胸中痛，脇支滿，脇痛，膺背肩胛間滿，兩臂內痛。「六」身熱，骨痛而爲浸淫。「七」收氣不行，長氣獨明，雨水霜寒，上應辰星。「八」上臨少陰少陽，火燔燔，水泉涸，物焦槁。「九」病反譫妄狂越，欬喘息鳴，下甚血溢，泄不已，太淵絕者死不治，上應熒惑星。「一〇」歲土太過，雨濕流行，腎水受邪。「一一」民病腹痛清厥，意不樂，體重，煩冤，上應鎮星。「一二」甚則肌肉痿，足痿不收行，善癰，脚下痛，飢發，中滿食減，四支不舉。「一三」變生得位。「一四」藏氣伏化，氣獨治之，泉涌河衍，涸澤生魚，風雨大至，土崩潰，鱗見於陸，病腹滿溇泄，腸鳴，反下甚，而太谿絕者死不治，上應歲星。「一五」歲金太過，燥氣流行，肝木受邪。「一六」民病兩脇下少腹痛，目赤痛，背瘍，耳無所聞。「一七」肅殺而甚，則體重煩冤，胸痛引背，兩脇滿，且痛引少腹，上應太白星。「一八」甚則喘欬逆氣，肩背痛，尻陰股膝髀腠臑足皆病，上應熒惑星。「一九」收氣峻，生氣下，草木斂，蒼乾凋隕，病反暴痛，肱脇不可反側。「二〇」欬逆，甚而血溢，太衝絕者，死不治，上應太白星。「二一」歲水太過，寒氣流行，邪害心火。「二二」民病身熱，煩心躁悸，陰厥，上下中寒，譫妄，心痛，寒氣早至，上應辰星。「二三」甚則腹大脰腫，喘欬，寢汗出，憎風。「二四」大雨至，埃霧蒙鬱，上應鎮星。「二五」上臨太陽，雨冰

雪霜不時降，濕氣變物，〔三〕病反腹滿腸鳴，澹泄，食不化，〔三〕渴而妄冒，神門絕者死不治，上應熒惑星。〔三〕帝曰：『其不及何如？』〔三〕岐伯曰：『悉乎哉問也！歲木不及，燥乃大行，〔三〕生氣失應，草木晚榮，肅殺而甚，則剛木辟著，柔萎蒼乾，上應太白星。〔三〕民病中清，肱臂痛，少腹痛，腸鳴澹泄，涼雨時至，上應太白星。〔三〕其穀蒼，〔三〕上臨陽明，生氣失政，草木再榮，化氣迺急，上應太白鎮星，其主蒼早。〔三〕復則炎暑流火，濕性燥柔脆，草木焦槁，下體再生，華實齊化，病寒熱蒼瘍，癰疹癰瘰，上應熒惑太白，其穀白堅。〔三〕白露早降，收殺氣行，寒雨害物，蟲食甘黃，脾土受邪，赤氣後化，心氣晚治，上勝肺金，白氣迺屈，其穀不成，欬而軌，上應熒惑太白星。〔三〕歲火不及，寒迺大行，長政不用，物榮而下，凝慘而甚，則陽氣不化，迺折榮美，上應辰星。〔三〕民病胸中痛，脇支滿，兩脇痛，膺背肩胛間及兩臂內痛，〔三〕鬱冒瞤昧，心痛暴瘳，胸腹大，脇下與腰背相應而痛，〔三〕甚則屈不能伸，髀髀如別，上應熒惑辰星，其穀丹。〔三〕復則埃鬱，大雨且至，黑氣迺辱，病驚漇，腹滿，食飲不下，寒中，腸鳴泄注，腹痛，暴瘳痿痺，足不任身，上應鎮星辰星，玄穀不成。〔三〕歲土不及，風迺大行，化氣不令，草木茂榮，飄揚而甚，秀而不實，上應歲星。〔三〕民病飢泄霍亂，體重腹痛，筋骨繇復，肌肉腠酸，善怒，藏氣舉事，蟄蟲早附，咸病寒中，上應歲星鎮星，其穀黔。〔三〕復則收政嚴峻，名木蒼凋，胸脇暴痛，下引少腹，善大息，蟲食甘黃，氣客於脾，齡穀迺減，民食少失味，蒼穀迺損。

「五」上應太白歲星。「五」上臨厥陰，流水不冰，蟄蟲來見，藏氣不用，白迺不復，上應歲星，民迺康。「五」歲金不及，炎火迺行，生氣迺用，長氣專勝，庶物以茂，燥燠以行，上應熒惑星。「五」民病肩背脊重，眈嚏，血便注下，收氣迺後，上應太白星，其穀堅芒。「五」復則寒雨暴至，迺另冰雹，霜雪殺物，陰厥且格，陽反上行，頭腦戶痛，延及腦頂發熱，上應辰星。「五」丹穀不成，民病口瘡，甚則心痛。「五」歲水不及，濕迺大行，長氣反用，其化迺速，暑雨數至，上應鎮星。「五」民病腹滿身重，濡泄，寒瘍流水，腰股痛發，臍膈股膝不便，煩冤，足痿，清厥，脚下痛，甚則跼蹢，藏氣不政，腎氣不衡，上應辰星，其穀秬。「五」上臨太陰，則大寒數舉，蟄蟲早藏，地積堅冰，陽光不治，民病寒疾於下，甚則腹滿浮腫，上應鎮星。「五」其主齡穀。「五」復則大風暴發，草偃木零，生長不鮮，面色時變，筋骨併辟，肉腠癢，目視眊眊，物疏瑩，肌肉胗發，氣并鬲中，痛於心腹，黃氣迺損，其穀不登，上應歲星。「五」帝曰：「善。願聞其時也。」「五」岐伯曰：「悉乎哉問也！木不及春，有鳴條律暢之化，則秋有霧露清涼之政，春有凄慘殘賊之勝，則夏有炎暑燔燼之復，其眚東。「五」其藏肝，其病內舍肱脇，外在關節。「五」火不及，夏有炳明光顯之化，則冬有嚴肅霜寒之政，夏有慘淒凝冽之勝，則不時有埃昏大雨之復，其眚南。「五」其藏心，其病內含膺脇，外在經絡。「五」土不及，四維有埃雲潤澤之化，則春有鳴條鼓折之政，四維發振於飄勝之變，則秋有肅殺霖淫之復，其眚四維。「五」其藏脾，其病內舍心

腹，外在肌肉四支，^{〔七〕}金不及，夏有光顯鬱蒸之令，則冬有嚴凝整肅之應，夏有炎燠燔燎之變，則秋有冰雹霜雪之復，其胄西。其藏肺，其病內舍膈脇肩背，外在皮毛，^{〔八〕}水不及，四維有滿潤埃雲之化，則不時有和風生發之應，四維發埃昏驟注之變，則不時有飄蕩振拉之復，其胄北。^{〔九〕}其藏腎，其病內舍腰脊骨髓，外在谿谷踠膝。^{〔十〕}夫五運之政，猶權衡也。高者仰之，下者舉之，化者應之，變者復之，此生長化成收藏之理，氣之常也；失常則天地四塞矣。^{〔十一〕}故曰：天地之動靜，神明爲之紀，陰陽之往復，寒暑彰其兆，此之謂也。^{〔十二〕}帝曰：『夫子之言五氣之變，四時之應，可謂悉矣。夫氣之動亂，觸遇而作，發無常會，卒然災合，何以期之？』^{〔十三〕}岐伯曰：『夫氣之動變固不常在，而德化政令災變，不同其候也。』^{〔十四〕}帝曰：『何謂也？』^{〔十五〕}岐伯曰：『東方生風，風生木，其德敷和，其化生榮，其政舒啓，其令風，其變振發，其災散落。^{〔十六〕}南方生熱，熱生火，其德彰顯，其化蕃茂，其政明曜，其令熱，其變銷燦，其災燔燔。^{〔十七〕}中央生濕，濕生土，其德溽蒸，其化豐備，其政安靜，其令濕，其變驟注，其災霖潰。^{〔十八〕}西方生燥，燥生金，其德清潔，其化緊斂，其政勁切，其令燥，其變肅殺，其災蒼隕。^{〔十九〕}北方生寒，寒生水，其德淒淒，其化清謐，其政凝肅，其令寒，其變凜冽，其災冰雪霜雹。^{〔二十〕}是以察其動也，有德有化，有政有令，有變有災，而物由之，而人應之也。』^{〔二十一〕}帝曰：『夫子之言，歲候不及，其太過而上應五星，今夫德化政令，災眚變易，非常而有也，卒然

而動，其亦爲之變乎？」岐伯曰：『承天而行之，故無妄動，無不應也。卒然而動者，氣之交變也，其不

應焉。故曰：應常不應卒，此之謂也。』帝曰：『其應奈何？』岐伯曰：『各從其氣化也。』帝

曰：『其行之徐疾逆順何如？』岐伯曰：『以道留久，逆守而小，是謂省下。』帝曰：『以道而去，去而速來，

曲而過之，是謂省遺過也。』帝曰：『久留而環，或離或附，是謂議災，與其德也。』帝曰：『應近則小，應遠則大。』帝

曰：『芒而大倍常之一，其化甚大常之二，其肯卽也。』帝曰：『小常之一，其化減，小常之二，是謂臨視省下之過與

其德也。』帝曰：『德者福之，過者伐之。』帝曰：『是以象之見也，高而遠，則小下而近則大。』帝曰：『故大則喜怒邇，小

則福禍遠。』帝曰：『歲運太過，則運星北越。』帝曰：『運氣相得，則各行以道。』帝曰：『故歲運太過，畏星失色，而兼其

母，』帝曰：『不及，則色兼其所不勝。』帝曰：『省者瞿瞿，莫知其妙，閔閔之當，孰者爲良？』帝曰：『妄行無徵，是畏候王。

』帝曰：『其災應何如？』岐伯曰：『亦各從其化也。故時至有盛衰，凌犯有逆順，留守有多少，形見

有善惡，宿屬有勝負，徵應有吉凶矣。』帝曰：『其善惡何謂也？』岐伯曰：『有喜有怒，有憂有

喪，有澤有燥，此象之常也，必謹察之。』帝曰：『高下異乎？』岐伯曰：『象見高下，其應一也，故

人亦應之。』帝曰：『善。其德化政令之動靜損益皆何如？』岐伯曰：『夫德化政令，災變不能

相加也。』帝曰：『勝復盛衰，不能相多也。』帝曰：『往來大小，不能相過也。』帝曰：『用之升降，不能相無也。』帝曰：『各從

其動而復之耳。』二帝曰：『其病生何如？』三岐伯曰：『德化者氣之祥，政令者氣之章，變易者復之紀，災眚者傷之始，氣相勝者和，不相勝者病重，感於邪則甚也。』四帝曰：『善。』所謂精光之論，大聖之業，宣明大道，通於無窮，究於無極也。余聞之，善言天者，必應於人，善言古者，必驗於今，善言氣者，必彰於物，善言應者，同天地之化，善言化言變者，通神明之理，非夫子孰能言至道歟。』五迺擇良兆而藏之靈室，每旦讀之，命曰氣交變，非齋戒不敢發慎傳也。

諸家選注

○王冰注：

一期，三百六十五日四分日之一也。專勝，謂五運主歲太過也。兼并，謂主歲之不及也。常名，謂布化於太虛，人身參應病之形診也。二言非己心之生知，備聞先人往古受傳之遺旨也。三至道者，非傳之難，非知之艱，行之難，聖人愍念蒼生，同居永壽，故屈身降志，請受於天師太上貴德，故後已先人，苟非其人，則道無虛授。黃帝欲仁慈惠遠，博愛流行，尊道下身，拯乎黎庶，乃曰：余司其事，則而行之也。四夫道者，大無不包，細無不入，故天文地理人事咸通。六三陰三陽，司天司地，以表定陰陽生化之紀，是謂位天位地也。五運居中，司人氣之變化，故曰通於人氣也。先天後天，謂生化氣之變化所主時也。太過歲

化先時至，不及歲化後時至。**七**太過，謂歲氣有餘也。**八**木餘故土氣卑屈。**九**飧泄，謂食不化而下

出也。脾虛故食減，體重，煩冤，腸鳴，腹支滿也。歲木氣太盛，歲星光明，逆守星屬分，皆災也。**一〇**凌犯太

甚，則過於金，故自病。**一一**諸壬歲也。木餘大抑，故不能布政於萬物也。生氣，木氣也。太過故獨治而生

化也。風不務德，非分而動，則太虛之中，雲物飛動，草木不寧，動而不止，金則勝之，故甚則草木搖落也。脇

反痛，木乘土也。衝陽，胃脈也。木氣勝而土氣乃絕，故死也。金復而太白逆守屬星者危也。其災之發，害於

東方，人之內應，則先害於脾，後傷肝也。書曰滿招損，此其類也。**一二**火不以德，則邪害於金，若以德行，

則政和平也。**一三**少氣，謂氣少不足以息也。血泄，謂血利便血也。血溢，謂血上出於七竅也。注下，謂水

利也。中熱，謂胸心之中也。背，謂胸中之府，肩接近之，故胸心中及肩背熱也。火氣太盛，則熒惑光芒，逆臨

宿屬分皆災也。**一五**火無德令，縱熱害金，水爲復讐，故火自病。**一六**今詳水字當作冰。金氣退避，火

氣獨行，水氣折之，故雨零冰雹，及徧降霜寒而殺物也。水復於火，天象應之，辰星逆凌，乃寒災於物也。占

辰星者，常在日之前後三十度，其災發之當至南方，在人之應，則內先傷肺，後反傷心。**一八**諸戊歲也。

戊午戊子歲，少陰上臨，戊寅戊申歲，少陽上臨，是謂天符之歲也。太淵，肺脈也。火勝而金絕，故死。火既太

過，又火熱上臨，兩火相合，故形斯候，熒惑逆犯，宿屬皆危。**一九**土無德乃爾。**二〇**腹痛，謂大腹小腹

痛也。清厥，謂足逆冷也。意不樂，如有隱憂也。土來刑水，天象應之，鎮星逆犯，宿屬則災。二一脾主肌肉，外應四支，又其脈起於足中指之端，循核骨內側，斜出絡跗，故病如是。二三諸甲歲也。得位，謂季月也。藏，水氣也。化，土氣也。化太過，故水藏伏匿而化氣獨治，土勝水復，故風雨大至，水泉涌，河渠溢，乾澤生魚。濕既甚矣，風又鼓之，故土崩潰。土崩潰，謂垣頽岸仆，山落地入也。河溢泉涌，枯澤水滋，鱗物豐盛，故見於陸地也。大谿，腎脈也。土勝而水絕故死。木來折土，天象逆臨，加其宿屬，正可憂也。二四金暴虐乃爾。二五兩脇，謂兩乳之下，脇之下也。少腹，謂齊下兩旁，髆骨內也。目赤，謂白睛色赤也。痛，謂滲痛也。背，謂四際臉睫之本也。二六金氣已過，肅殺又甚，水氣內畏，感而病生，金盛應天，太白明大，加臨宿屬，心受災害。二七火氣復之，自生病也。天象示應，在熒惑逆加守宿屬，則可憂也。二九諸庚歲也。金氣峻虐，木氣被刑，火未來復，則如是也。斂，謂已生枝葉斂附其身也。太衝，肝脈也。金勝而木絕故死。當是之候，太白應之，逆守星屬，病皆危也。三〇水不務德，暴虐乃然。三一悸，跗跳動也。譖，亂語也。妄，妄見聞也。天氣水盛，辰星瑩明，加其宿屬，災乃至。三三水盛不已，爲土所乘，故彰斯候，埃霧朦鬱，土之氣，腎之脈，從足下上行入腹，從腎上貫肝鬲，入肺中，循喉嚨，故生是病。腎爲陰，故寢則汗出而憎風也。臥寢汗出，卽其病也。夫土氣勝，折水之強，故鎮星明盛，昭其應也。三六諸丙歲也。丙辰、丙戌歲，太陽上臨，是謂天符之歲。

也。寒氣太甚，故雨化爲冰雪。雨冰，則雹也。霜不時降，彰其寒也。土復其水，則大雨霖淫，濕氣內深，故物皆濕變。神門，心脈也。水勝而火絕，故死。水深太甚，則熒惑減曜，辰星明瑩，加以逆守宿屬，則危亡也。三七謂政化少也。三八清冷時至，加之薄寒，是謂燥氣燥，金氣也。三九後時之謂失應也。天地淒滄，日見矇昧，謂雨非雨，謂晴非晴，人意慘然，氣象凝斂，是爲肅殺甚也。剛勁，硬也。辟著，枝莖乾而不落也。柔輒也。蒼，青也。柔木之葉，青色不變，而乾卷也。木氣不及，金氣乘之，太白之明，光芒而昭其空也。四一金氣乘木，肝之病也。乘此氣者，腸中自鳴而漉泄者，即無胠脇少腹之痛疾也。微者，善之甚者，上之遇夏之氣，亦自止也。遇秋之氣而復有之。涼雨時至，謂應時而至也。金土齊化，故涼雨俱行，火氣未復，則夏雨少，金氣勝木，太白臨之，加其宿屬分，皆災也。金勝畢歲，火氣下復，則蒼色之穀不成實也。四二諸丁歲也。丁卯、丁酉歲，陽明上臨，是謂天形之歲也。金氣承天，下勝於木，故生氣失政，草木再榮。生氣失政，故木華晚啓，金氣抑木，故秋夏始榮，結實成熟，以化氣急速，故晚結成就也。金氣勝木，天應同之，故太白之見，光芒明盛，木氣既少，土氣無制，故化氣生長急速，木少金勝，天氣應之，故鎮星太白潤而明也。蒼色之物，又早凋落，木少金乘故也。四三火氣復金，夏生大熱，故萬物濕性，時變爲燥，流火爍物，故柔脆，草木及蔓延之類，皆上乾死，而下體再生，若辛熱之草，死不再生也。小熱者死少，大熱者死多，火大復已，土氣間至，則涼

雨降。其酸苦甘鹹性寒之物，乃再發生。新開之與先結者，齊承化而成熱。火復其金，太白減曜，熒惑上應，則益光芒，加其宿屬，則皆災也。以火反復，故曰白堅之穀，秀而不實。四四陽明上臨，金自用事，故白露早降，寒涼大至，則收殺氣行，以太陽居土濕之位，寒濕相合，故寒雨害物，少於成實，金行伐木，假途於土，子居母內，蟲之象也。故甘物黃物，蟲蠹食之，清氣先勝，熱氣後復，復已乃勝，故火赤之氣，後生化也。赤後化，謂草木赤華及赤實者，皆後時而再榮秀也。其五藏則心氣晚王，勝於肺，心勝於肺，則金之白氣乃屈退也。金，穀稻也。鼫，鼻中水出也。金爲火勝，天象應同，故太白芒滅，熒惑益明。四四火少水勝，故寒迺大行，長政不用，則物容卑下，火氣既少，水氣洪盛，天象出見，辰星益明。四八諸癸歲也。患以其脈行於是也。火氣不行，寒氣禁固，髓髀如別，屈不得伸，水行乘火，故熒惑芒滅，丹穀不成，辰星臨其宿屬之分，則皆災也。四九埃鬱雲雨，土之用也。復寒之氣必以濕，濕氣內淫，則生腹疾身重，故如是也。黑氣，水氣也。辱，屈辱也。鶩，鴨也。土復於水，故鎮星明潤，臨犯宿屬，則民受病災矣。五〇木无德也。木氣專行，故化氣不令，生氣獨擅，故草木茂榮，飄揚而甚，是木不以德，土氣薄少，故物實不成。不實，謂糝惡也。土不及，木乘之，故歲星之見潤而明也。五一諸己歲也。風客於胃，故病如是，土氣不及，水與齊化，故藏氣舉事，蟄蟲早附於陽氣之所，人皆病中寒之疾也。繇，搖也。筋骨搖動，已復常，則已繇復也。土抑不伸，若歲星臨宿屬，則

皆災也。

五二金氣復木，故名木蒼凋，金入於土，母懷子也。故甘物黃物，蟲食其中，金入土中，故氣客於

脾，金氣大來，與土仇復，故齡減實，穀不成也。

五三太白芒盛，歲減明也。一經少此六字，闕文耳。

五四

己亥、己巳歲，厥陰上臨其歲，少陽在泉，火司於地，故蟄蟲來見，流水不冰也。金不得復，故歲星之象如常，民康不病。

五五火不務德，而襲金危，炎火既流，則夏生大熱，生氣舉用，故庶物蕃茂，燥燠氣至，物不勝其燠，甚至燠石流金，涸泉焦草，山澤燔燠，雨乃不降，炎火大盛，天象應之，熒惑之見而大明也。

五六諸

乙歲也。瞽，謂悶也。受熱邪故生是病矣。收，金氣也。火先勝故收氣後，火熱勝金，金不能盛，若熒惑逆守，宿

屬之分皆受病。

五八寒氣折火，則見冰雹霜雪，冰雹先傷而霜雪後損，皆寒氣之常也，其災害乃傷於

赤化也。諸不及而爲勝所犯，子氣復之者，皆歸其方也。陰厥，謂寒逆也。絡，至也，亦拒也。水行折火，以救困

金，天象應之，辰星明瑩，赤色之穀，爲霜雹損之。

五九濕大行，謂數雨也。化速，謂物早成也。火濕齊化，故

暑雨數至，乘水不及，而土勝之，鎮星之象，增益光明，逆凌留犯，其又甚矣。

六〇藏氣不能申其政令，故

腎氣不能內致和平。衡，平也。辰星之應，當減其明，或遇鎮星臨屬宿者乃災。

六二諸辛歲也。辛丑、辛未

歲，上臨太陰，太陽在泉，故大寒數舉也。土氣專盛，故鎮星益明，齡穀應天歲成也。

六三木復其上，故黃

反損，而齡穀不登也。謂實不成，無以登祭器也。木氣暴復，歲星下臨宿屬分者災。

六五化，和氣也。勝，金

氣也。復火氣也。火復於金，悉因其木，故災眚之作，皆在東方，餘眚同。六六東方用之主也。六七化，火德也。勝木虐也。復土變也。南方火也。六八南方心之主也。六九東南、東北、西南、西北方也。維隅也。謂日在四隅月也。七〇四維，中央脾之主也。七一西方肺之主也。七二飄蕩振拉，大風所作。七三肉之大會爲谷，小會爲谿，肉分之間，谿谷之會，以行榮衛，以會大氣。七四失常之理，則天地四時之氣閉塞，而無所運行，故動必有靜，勝必有復，乃天地陰陽之道。七九敷布也。和氣也。榮滋榮也。舒展也。啟開也。振怒也。發出也。散，謂物飄零而散落也。八一溽，濕也。蒸，熱也。驟注，急雨也。霖，久雨也。潰，瀾泥也。八二緊，縮也。斂，收也。勁，銳也。切，急也。燥，乾也。肅殺，謂風動草樹聲若乾也。殺氣太甚，則木青乾而落也。八三淒滄，薄寒也。謐，靜也。肅，中外嚴整也。凜冽，甚寒也。冰雪霜雹，寒氣凝結所成，水復火，則非時而有也。八四夫德化政令和氣也。其動靜勝復，施於萬物，皆悉生成變，與災殺氣也。其出暴速，其動驟急，其行損傷，雖皆天地自爲動靜之用，然物有不勝其動者，且損且病且死焉。八六德化政令，氣之常也。災眚變易，氣卒交會而有勝負者也。常，謂歲四時之氣不差晷刻者。不常，不久也。八八歲星之化，以風應之，熒惑之化，以熱應之，鎮星之化，以濕應之，太白之化，以燥應之，辰星之化，以寒應之，氣變則應，故各從其氣化也。上文言復勝，皆上應之，今經言應常不應卒，所謂無大變易而不應，然其勝復，當色有枯燥潤

澤之異，無見小大以應之。九〇以道，謂順行。留久，謂過應留之日數也。省下，謂察天下人君之有德有過者也。九一順行已去，已去轍逆行而逆，委曲而經過，是謂違其過而輒省察之也。行急行緩，往多往少，蓋謂罪之有大有小，按其遺而斷之。九二環如環之遠盤，迴而不去也。火議罪，金議殺，土木水議德也。九三近謂犯星常在，遠謂犯星去久，大小，謂喜慶及罰罪事。九四甚，謂政令大行也。發，謂起也。卽至也。金火有之。九五省，謂省察萬國人吏侯王有德有過者也。故侯王人民，安可不深思戒慎邪。九六有德，則天降福以應之。有過者，天降禍以淫之，則知禍福無門，惟人所召爾。九七見物之理也。九八象見高而小，既未卽禍，亦未卽福，象見下而大，福既不遠，禍亦未遙，但當修德省過，以俟厥終，苟未能慎禍而務求福祐，豈有是者哉。九九火運火星，木運木星之類也。北越，謂北而行也。一〇〇無尅伐之嫌，故守常而各行於中道。一〇一木失色而兼玄，火失色而兼蒼，土失色而兼赤，金失色而兼黃，水失色而兼白，是謂兼其母也。一〇二土兼白色，火兼玄色，土兼蒼色，金兼赤色，水兼黃色，是謂兼不勝也。一〇四不識天意，心私度之，妄言災咎，卒無徵驗，適足以示畏之兆於侯王，熒惑於庶民矣。一〇五五星之至，相王爲時盛，囚死爲衰，東行凌犯爲順，災輕，西行凌犯爲逆，災重，留守日多，則災深，留守日少，則災淺，星喜潤則爲見善，星怒操憂喪則爲見惡，宿屬，謂所生月之屬，二十八宿及十二辰相分所屬

之位也。命勝星不災不害，不勝星爲災小重，命與星相得，雖災無害。災者，訟獄疾病之謂也。雖五星凌犯之事，時遇星之凶死。時月雖災不成，然火犯留守逆臨，則有誣譖獄訟之憂，金犯則有刑殺氣鬱之憂，木犯則有震驚風鼓之憂，土犯則有中滿下利跗腫之憂，水犯則有寒氣衝積之憂，故曰徵應有吉凶也。

一〇六、一〇七夫五星之見也。從夜深見之，人見之喜，星之喜也。見之畏，星之怒也。光色微曜，乍明乍暗，星之憂也。光色迥然，不彰不瑩，不與衆同，星之喪也。光色圓明，不盈不縮，怡然瑩然，星之喜也。光色勃然臨人，芒彩滿溢，其象懍然，星之怒也。澤，洪潤也。燥，乾枯也。一〇八、一〇九觀象觀色，則中外之應，人天咸一矣。一一一天地動靜，陰陽往復，以德報德，以化報化，化政令災眚，及動復亦然。故曰不能相加也。

一二勝盛復盛，勝微復微，不應以盛報微，以化報變，故曰不能相多也。一一三勝復日數，多少皆

同，故曰不能相過。一一四木之勝金，必報火土金水皆然，未有勝而無報者，故氣不能相使無也。一

一五動必有復，察動以言復也。易曰：『吉凶悔吝者，生乎動，此之謂歟。』天雖高不可度，地雖廣不可量，以

氣動復言之，其猶視其掌矣。一一七祥，善應也。章程也，式也。復紀，謂報復之綱紀也。重感，謂年氣已不

及，天氣又見尅殺之氣，是謂重感。重，謂重累也。一一八太過不及，歲化無窮，氣交遷變，流於無極；然天

垂象，聖人則之，以知吉凶，何者？歲太過而星大或明，瑩歲不及而星小或失色，故吉凶可指而見也。吉凶

者何謂？物稟五常之氣以生成，莫不上參應之有否有宜。故曰吉凶斯至矣。故曰善言天者，必應於人也。言古之道而今必應之，故曰善言古者，必驗於今也。化氣生成，萬物皆稟，故言氣應者，以物明之；故曰善言應者，必彰於物也。彰明也。氣化之應，如四時行，萬物備，故善言應者，必同天地之造化也。物生謂之化，物極謂之變，言萬物化變終始，必契於神明運爲，故言化變者，通於神明之理，聖人智周萬物，無所不通，故言必有發動，無不應之也。一一九靈室，謂靈蘭室，黃帝之書府也。

○林億新校正云：

一按天元紀大論云：五運相襲而皆治之，終期之日，周而復始。又云：五氣運行，各終期日。太始天元冊文曰：萬物資始，五運終天，卽五運更始，上應天期之義也。四詳夫道者一節，與著至教論文重。七詳太過五化，具五常政大論中。九按藏氣法時論云：脾虛則腹滿，腸鳴，飧泄，食不化。一〇按玉機真藏論云：肝脈太過，則令人喜怒，忽忽眩冒，顛疾，爲肝實而然，則此病不獨木太過遇金自病，肝實亦自病也。一一詳此太過五化言星之例有三：木與土運，先言歲鎮，後言勝己之星；火與金運，先言瑩惑太白，次言勝己之星，後再言瑩惑太白；水運先言辰星，次言鎮星，後再言辰，兼見勝己之星也。一三詳火盛而尅金，寒熱交爭，故爲瘡。按藏氣法時論云：肺病者欬喘，肺虛者少氣，不能報息，耳聾隘乾。一五按玉